

DO WOČOW SWJATY BYĆ

čo. 41

- a) přecelnje činić, ale hinak myslić
- b) so wšědnje našminkować
- c) so nahle do někoho zalubować

Prawa je wotmołwa **a**.

Do wočow swjaty je jedyn z mnoho wurazow za to, zo něchtó přecelsce z tobu rěči (tež wo druhich), při sebi (abo za chribjetom) pak cyle hinak myslí abo rěči. Zo je telko wurazow za to drje pokazuje na chětro rozšěrjene zadžerženje. Můžeme tež rjec na woči swjaty.

Takle móžeš to tež prajić

falšny, lestny, zachribjetny, zežžany, zežžarny, ludarski
dwaj jazykaj w hubje měć
dwě mjezwoči měć

Příklad z rěčneho korpusa

Kětan nygaše, ale hladaše při tym tak zadžiwany, kaž njeby hišće wědžał, što Horbank poprawom chcyše. „Tak je derje.“ Zo so Kětan *na woči swjaty* činješe, to Horbanka jenož hišće bóle zapali. (Beno Šolta, Statok bjez hospodarja, Budyšin 1963)